

Ura da damondas

GRdigital e l'impurtonza dils lungatgs en quei svilup

Il 10 da matg 2021 ei l'Uniun GRdigital vegnida fundada e quei da rodund 20 organisaziuns ed associaziuns ord las differentas spartas. Tenor il communicau da medias vegn l'uniun a surpender el futur ina incumbensa centrala per promover la digitalisaziun el Grischun. El communicau da medias stat il suandont citat: «En il barat cun las acturas ed ils acturs relevants da las differentas branschas e dals divers secturs duai l'Uniun GRdigital tractar quellas tendenzas e quels temas ch'ei relevants per il Grischun en connex cun la tranfurmaziun digitala.»

Digitalisaziun e lungatg, gest per in cantun triling porscha bia potenzial, surtut per promover applicaziuns ed innovaziuns dallas qualas ils differents camps profiteschan.

Damondas:

1. Ei la Regenza cunscienta che la pagina d'internet sco era ils statuts da GRdigital ei sulettamein publicai sin tudestg ed ei quei il dretg signal per inizialisar in tema talmein impurtont per nies entir cantun?
2. Co giudichescha la Regenza il potenzial ella tematica digitalisaziun e lungatg en connex cun applicaziuns innovativas per facilitar il diever dils lungatgs cantunals denton era per la promoziun d'emprender il lungatg cun instruments innovativs digitals?
3. Fuss ei tenor la Regenza giavischau ch'ina representanza dalla sparta «lungatg» fagess part dalla suprastanza dall'Uniun GRdigital?

deputau
Diego Deplazes